

永樂大典

卷〇三六六 湖字

卷〇三六七 湖字

卷〇三七〇 湖字

卷〇三七二 湖字

永樂大典卷之二千二百六十六 六模

湖

天湖

春陵國經志在寧遠縣麓林山外中有禽大如鴈錦羽尾外中尺湖之東有石洞門外左右有石人立如冠劍云延平志一在

尤溪縣北蓮花峯之頂水色紺碧不知泉脉所自歲旱不竭其深莫測魚鱉充牣人不敢取蓋有神物憑藉焉一在將樂縣東翠簾山上元一統志在邵武縣平洒高山之頂南豐志在縣東四十里五藏巖之東一石山如禾囤仰望高踰數百仞周圍皆石攀躡而上至絕頂則坦平有水田數十畝冬夏泉常不乾宋朱晦庵大全集立春大雪邀劉圭甫諸兄遊天湖同雲被四野寒氣慘悲涼田風一以定密雪來飄揚時當冬候窮開歲五日疆遂巷無與適陟此壇臺岡賓友既進隨兒童亦携將攀躋得冢頂徙倚聊彷徨俯視十里空仰看萬鶴翔遠迷亂峯翠近失平林蒼偃薄瑩神骨咀嚥清肝腸朗詠招隱作悲吟黃竹章古人不可見來者誰能量且復記茲日他亦難忘

日湖

四明續志在寧波府城中東南

隅又曰
細湖

月湖

四明志在寧波府。縱三百五十丈。其衡四十丈。周圍七百三十丈。有奇。中有橋二。絕湖而過。汀洲島峙。凡十曰。

柳汀曰。雪汀曰。芳草洲曰。芙蓉洲曰。菊花洲曰。月島曰。松島曰。花嶼曰。煙嶼曰。竹嶼。十洲二島。大家多變置。不可盡改。而景象猶存。亭臺院閣。隨方

面勢。四時之景不同。而女士游賞。特盛於春夏。飛蓋成陰。畫船漾影。殆無虛日。湖之支流。繚繞城市。往往家映修渠。人酌清泚。又引之於川北。鑿兩

池以停之。淫潦泛溢。則城之東北隅。有食喉氣喉二磯。以洩于江。郡縣志在漢陽縣西五里。臨川志在撫州府崇仁縣南十五里。浮石山莊。劉景文

詩陪霍沂州望月湖泛舟。終日春湖泛畫船。伴分遙邈上青天。淨波全受樓臺影。輕棹不驚鷗鷺眠。分岸騎隨閑鼓吹。公以傑有服。不作樂擁橋

人立望神仙。雲煙滿眼歸時晚。把酒論文意洒然。

雲湖

元一統志在長沙府湘潭縣之西南六十里。古名沿湖。廣三十餘里。有九

十汊。八十四泉。四山環繞。中有烏石泉。俗傳有白龍居之。故多雲氣。因名雲湖。宋胡寅斐然集遊雲湖。衡湘久來往。眼到山輒對。愛山真自性。久

看眼未礙。今朝渡石潭。蘭漿亂青帶。初升岸稍高。忽喜地更大。行行兩垣間。沙路得平快。豁然見良疇。小覽百里外。涵溶趙家沱。千頃疏幾澮。人家

隔楊柳或映桑林皆連連麻麥墟雞犬達鳴吠宛如京雒郊北望一慨慨
古城誰所築隱隱僅如塊娉婷九冢藏巧綴六寶在想其夸壯時宜念遺
迹晦主人隴西生慙欵具鮭菜墅前稼尤美彌壤黃雲曉雲湖從此逝日
暖風不噫循同靡遙登呀口駭滿沛是名湖西缺節縮有石埭舍與尚盤
陀漸見湖尾派孤蒲傍籬落獵獵村沽旆曳節大隄長隄址屹然塞胡床
羅四五植傘據其會恍若畫圖張彩筆窮物界滿奩開玉鏡萬象自清汰
字光散鵝鷺沉影亂鱗介紛紛漁舟子點綴助姿態其心曾未聞詎比觀
者泰東頭翰寫處百丈走霜瀨匪爲碧泓深啗漱垠岑壞非茲兩雄竭何
以鎮橫潰尚云春水時雷注聒天噴田翁亦好事巨艇遣迎載山陰興則
同所訪何必戴招提有豪客置醴久相待歸途瞰烏泉船首滯葭薈未棲
亦近止欲往思中貳刺竿小鸞倚迥眺長嶺背峰巒未可窮劫過陳家涇
幽尋何所得憇倦茂林最回船漾中流枵腹思勇嘷羽觴凡五舉銀鯽繞
一鱸山氓爭睚眦互驚恠桃源果何似此地良足愛要當建亭榭聊
復藝瓜芥賞心浩無涯義馭慘欲退吾儕幸強健勝踐莫辭再人生貴歡
娛世俗苦埃塏黃君早交友聞善肯相誨楊君素疎豁爲善克自裁李君
更清苦有意飭組佩彪君知勉厲不但聞便榮惟余真潦倒道退齒徒邁

從游亦何幸魚目慙明珠誓言來年春景物重華粹荷花十葉裝一一青
羅蓋蒼天沒大浸碧嶽檻芳藹遠陪鷗鷺群坐笑桔槔仍須少留宿倍
駕古所戒持鈎不求魚何用五十捨優哉復悠哉此
樂未爲太慈溪縣志在金川鄉任侗循築今廢爲田

星湖

元陳景仁詩自星湖

遷厠舍于駕湖舊有三賢堂駕湖烟水隔星湖風月無邊兩不殊隣曲
三賢英氣在眼前一點俗塵無詩書飽讀心無愧朋舊相過德不孤試問
柳州休乞巧何如顏子只如愚

風湖

南海志在增城縣西南三十里

江湖

紹興府志在上虞縣西南五十里昔有尼

寺一夕陷於湖有寺鍾墮水底有見之頃歲旱涸車注垂竭忽見鐘鼻鄉
人共挽出之俄頃雷雨暴至鐘復沒杭州府志在葛嶺壽星寺外江內湖
一覽在目淳祐十年趙安撫與憲重創廣
厦危欄顯敞虛曠旁又爲兩亭可登山椒

山湖

雲南志在廣西府彌勒州境湖方五十里

內產大魚武陵圖經志在龍陽縣西北

河湖

金陵新志在城西南七十里周八里溉田十頃無錫縣志在州東南七十里東四十

里南北三里水深一丈從東七里通漕湖與平江路常熟州中分爲界臨川志河湖在臨川縣

沙湖

饒州府志一在鄱陽縣一在餘

干縣元一統志東坡云黃州東南三十里爲沙湖東坡買田其間見漁隱叢話沙湖舊爲鎮兵廢清源志在晉江縣方圓長五里深一丈灌田三十餘頃蘇州府志在長州通湖漾田至和塘以達于海臨川志在臨川縣廬江志在縣東南二十里周圍三十里跨兩鄉沔陽州志在州東二百四十里元許有士至正集沙湖道中 城居如坐井出郭始知春草色繞翻砌禽聲便可人遠山來遽迤邐馬去逡巡喚醒三年夢東筆足軟塵元楊維禎香奩集過沙湖寄玉山伯仲 五月落殘梅子雨沙頭水高三尺彊大風開帆作弓滿白浪觸船如馬狂唱歌賣魚赤鬚老打鼓踏車青苧娘故人相見在樓下坐對玉山懷草堂鄭彥昭樗庵類藁過沙湖天陰慘平野風急過沙湖堤樹千行瘦崑山一點孤程期思朔漠游賞負姑蘇何日能來此紅船載

酒壺

土湖

鄱陽縣志在鄱陽縣宋彭汝礪鄱陽集土湖記 鄱陽城北土湖西南連大江東北枕平陸山阜重複稻田上

下土厚水深菱荇肥美有蒲有藻有芹有節魚鱉生之若大若小若浮若沉充牣跳躍食息有所鷗鷺鴈鴈鳬鷺亦得其養如是數十百年人莫知其所始者去年江外還濱湖之民窮瘁不給予恠而問焉曰我之居是也水春而聚菱夏而生秋採其實既冬而漁日計不足歲乃有餘自子

孫取養於斯彼之生出無窮盡而我取之亦未嘗既有聚而謀者曰窮日
之力所得幾何有術於此可以盡得衆喜而從之於是僞工並作空土成
溝水性趨下不日而盡地枯澤竭物靡孑遺常時所得方之往昔十才一
二民日益貧折壞梗檜所費不貲怨天尤人殆無所及終亦莫知所以然
者予笑曰爾何異欲飲旨酒而亟其欲不以禮取一息而竭復怨其無有
惟爾下愚偏意偏見殘忍在中作爲機械捨遠取近窮欲趨利暴殄天物
其應如此尚何怪哉夫天之於物也仁爾則不仁天之施物也欲無窮盡
爾則盡之天道人事其理好還肇是謀者其終窮乎予今告爾悔過自新
平夷豬蓄使復故常以網以罟取之以時弃小得大毋殄毋夭以全物類
以飲爾室家以長爾子孫庶幾仁心在焉天祐斯至豈直爲利哉洪适盤
洲集波濤送客帆松竹園僧舍野趣望中來西湖當減價許

繪詩湖山遠鍾鼎往往屬田舍公自得盤洲湖山買無價

石湖

平延

志在順昌縣北二十餘里雙巖雄峙溪流介其間深不可測下有盤龍政
和間龍常現潭上僧義才晨登鍾樓見之紹興初復見湖之下有屯軍灘
旁有三澗又其下有十里潭潭中有古槎秋高水清隱隱可見太平街覽
神異經曰北方蒼外有湖方十里平滿無高下有魚長七八尺形狀如鯉

而目亦晝在湖中夜化爲人刺之不入糞之不死以烏梅二七糞之即熟食之可以愈邪病又曰北方荒中有石湖方千里無凸凹上直結反下於交和平滿無高下岸深五丈餘恒冰唯夏至左右五六十日解耳元一統志在陸川縣東其水清潔上有山亦有石湖名鳳陽府圖經志在靈璧縣

長沙府湘潭縣志在縣西廣二十餘里有九十九溪數溪貫之蘇州府志在吳縣西南十二里蓋太湖之一派范蠡所從入五湖者叅政范成大別墅於此因越來溪故城隨地勢高下而爲亭榭植以名花而梅爲獨盛別築農圃堂對楞伽寺下臨石湖孝宗御賜石湖二大字成大作上梁文云吳波萬頃偶維風雨之舟越戍十年因築湖山之觀又有北山堂千巖觀天鏡閣玉雪坡錦繡坡說虎軒夢漁軒綺川亭明臨亭越來城等處以天鏡閣爲第一一時名人皆爲文詞以侈之乾道八年壬辰三月上巳周益公以春官去國與其兄必達過之成大置酒園中夜分留題壁間云吳臺越壘距盤門才十里而陸沉於荒煙野草者千七百年紫微舍人始翔別墅登臨之勝甲於東南宣鳩夷子成功于此扁舟去之天闊絕景須苗裔之賢者然後享其樂耶成愧謝曰公言重何乃輕許與如此益公曰吾行四方見園池多矣如薜蘿盤園尚乏此趣非甲而何龔氏紀聞云范公

文章政事震耀一世其地爲人愛重石湖西南一帶盡佳山水作圖於其間顏衆往往極侈麗之觀春時士大夫游賞者獨以不到此爲恨猶洛中諸國必以獨樂爲重耳按石湖之名前此未甚著實自范文穆公始由是繪圖以傳宋崔宮教集石湖賦崔子問於石湖先生曰富貴人所願閑寂不可居位通顯者有洋洋之志處幽曠者懷戚戚之悲此人之常情也先生芥鍾鼎而不眴殺軒冕而若遺居無墻宇之飾而丘壑以爲樂家無珠玉之玩而泉石以爲資不已迂乎先生莞爾而笑曰子安知予之真樂哉寓形宇宙間身世同浮萍吾常委心任去留奚肯逐物而營營時乎見用則進而上紫微之掖一朝遇坎則退而歸石湖之耕方其余之在紫微未嘗忘江湖之夢及其余之耕石湖也蓋自覺公侯之輕蓋山林斯予之至樂而簪紱不能以攫情者也予嘗覽吾石湖之勝矣其地有殘壙故壘斷岸長雲瀰迤延連繚曲幽深者越王之所城也東臨具區觀滄波之杳渺怒濤之軒轟風帆浪楫出滅煙雲者鷗夷之所經也西傍越溪見吳王之臺想夫千軍萬馬銜枚潛渡黃金白壁之毀化而爲蕞茷南連橫山北睇亞字城樓觀相望翼乎崢嶸其地勢奇古如此自越迄今千五百歲霜露之所蒙翳狐狸之所竄處至於登臨之要則不得而擇其所我乃披天

與發地藏乎夷土途殊蕪蕪荒伏萬象之偃蹇沈千古之凄涼築農圃湖山之觀聳碧城崑閬之丘岫恍納千峯之秀雲莊開萬壑之幽夜月兮嬉漁春風兮芳洲渺煙波兮鷗鷺適忘機之樂度雪橋兮龜魚聽柱杖之遊皆園中名至於水靜鵲立林幽鶴鳴漾湖光於几席占山影於臺亭花繁粲以昌披木欣欣其敷榮茁茁兮十里琅玕芳滿城其他幽芳奇觀間見層出又不可殫舉而悉名於是或命籃輿或漾輕舟或舒嘯以登臯或賦詩而臨流或掘雲於蝶噪之頂或採月於澄泓之洲若乃浩蕩連空月華正中鑒秋毫於浮玉倒寒影於垂虹鼓棹踏松江之浪扣舷吟笠澤之風訪蓴鱸於漁父詰龍橋於江童此天下之至樂也其何得以加之在于聞之曰先生樂哉矛頭浙米劍頭之炊不如枕流漱石脫富貴之危機翻手作雲覆手作雨不如遺名絕俗與煙月爲侶先生樂哉雖然趙朝市者患於既倦而不知歸入山林者失於固藏而不肯仕先生石湖之樂誠樂矣當如江上之清風山中之明月欣然接之可以寓意而不可以留意若曰抱其道而不施懷其材而不用必欲就閒逸樂幽隱爲將老之計此余所未取也於是作石湖招隱之歌歌曰清且泚石湖之水高巔巖石湖之山湖之中可釣可遊湖之側宜稼宜穡有美一人兮樂無涯朝出遊兮莫來

歸曳杖兮吳臺。維舟兮越溪。念夫君兮淹留葦蘭芷兮芳洲。長松卧壑兮
風颼颼。深山紫玉兮光彩浮。萬牛四頭兮挽山丘。五城一觀兮禮必優。宜
規明堂兮備前旒。去來去來兮石湖不可以久留。范石湖大全集三月十
六日石湖書事三首 春事日已闌。暑陰正清美。拖筇入林下。秀綠照衣
袂。盧橘梅子黃。櫻桃桑葚紫。荷依浪花顛。荷破苔色起。風日收宿陰。物色
有新意。隣曲知我歸。爭來問何似。病惱今有無。加飲日能幾。掀髯謝父老
衰雪已如此。種木二十年。手開南野荒。冉冉新歲月。依依舊林塘。汗菜
種下濕。岑蔚驕衆芳。菱母尚能瘦。竹孫如許長。憶初學圃時。力豈冒風霜
今茲百不堪。裹帽人扶將。龍鍾數能來。猶勝兩相忘。湖光明可鑑。山色
淨如沐。閑心愜舊觀。愁眼快奇矚。依然北窻下。凝塵滿書簾。訪我烏皮几
拂我青檀栢。荒哉賦遠游。幸甚遂初服。老紅餞餘春。衆綠自幽馥。好風吹
晚晴。斜照入疎竹。兀坐胎息勻。不覺清夢熟。清湘縣郊外雜花盛開有
懷石湖 午行清湘縣。妍暖春事嘉。柴荆開桃李。冥冥一川花。故園豈少
此。愈此百陪加。我寧不念歸。願作失木鷄。百年北窻涼。安用天一涯。君恩
重。喬嶽敢計征路賒。鄉心與官身。鑒納方聳牙。橘柚走珍貢。何如紫匏瓜。
明當復露奏。天日臨幽遐。僮許清江使。曳尾還汗邪。與周子充侍郎同

宿石湖 幽香馥蕙帳清夢安且吉
蘿月墮蒼茫松風隱蕭瑟曉禽啄且鳴
喚我起盥櫛鉤窻納雲濤灑灑浴初日
金鉦忽騰上倒影落書帙佳晴有新課
穠種催蕪秫從今不得閑東郊草過膝
次韻馬少伊郁舜舉寄示同遊石湖詩
蕪城老蘚不知春忽有柴門月色新
芝草琅玕無鎖鑰自無起俗扣門人
莫問朝歌與棘津浮生惟有一杯春
君看百戰功名地越戍吳臺兩窖塵
鏡面波光倒碧峯半湖雲錦萬芙蓉
去年蕩漿香風裏行傍石橋花正濃
紅皺黃團熟暑風甘瓜削玉藕玲瓏
身謀已落園丁後滿帽京塵日正中
兩賢風度藹春陽步履隨風上柳塘
綠筆紅牋芳徑裏句中挾我萬花香
得得來題小隱詩拂花縈柳畫船移
湖邊好景春猶未須到秋清月滿時
蒲酒王郎亦勝流今年何事阻清遊
當家風味今如此何負山陰夜雪舟
王必大獨不赴三公同遊之約晚歸石湖
何須駟馬眩鄉閭只作歸農老圃看
夢裏曾腰綰結佩年來新著情遊冠
和煙種竹聊醫俗帶月聞蛙不在官
久矣此心恬不動如今併與此身安
次韻同年楊使君回自毗陵同汎石湖舟中見贈
客舫中流下人家夾岸看落花堆錦
暖吳藕鑊水寒莫厭清歡暫須知後
會難小詩煩本事任禿絲毫端曲誤
不須顧客狂當好看日斜雙槳急風
駛夾衣寒

曠說歸田樂。休歌行路難。石湖三萬頃。何處覓憂端。北渚乘風渡。西山帶霧看。袖單嫌翠薄。杯淺怯金寒。宿雨收全易。春酲解却難。且留行色住。重肯過蘇端。將至石湖道中書事。水綠鷗邊漲。天青鴈外晴。柳堤隨草遠。麥壠帶桑平。白道是新郭。蒼烟越故城。稍聞雞犬鬧。童僕想來迎。初歸石湖。曉霧朝暾。紺碧紅橫。塘兩岸。越城東。行人半出稻花上。宿鷺孤鳴菱葉中。信脚自能知舊路。驚心時復認隣翁。當時手種斜橋柳。無限鳴蜩翠掃空。次韻徐提舉遊石湖三絕。三徑荒蕪。袖幌開錦車。何事肯徘徊。春風想爲高人住。落絮殘花好在哉。日脚烘晴已破煙。山頭雲氣尚披綿。却須多謝朝來雨。洗淨明湖鏡裏天。天上麒麟翰墨林。當家手筆擅文心。欲知萬頃陂中意。但向三篇句裏尋。次韻舉老見嘲未歸石湖。半世吟客舍。柳長平憶後園花。爲報蘆山莫笑雲丘。今屬誰家。午窻遣興。與家人謀過石湖。雲日初收。破柱雷。小窻坐穩。興悠哉。煙爐花氣朝醒解。茶鼎松風午夢迴。謝客門闌風動竹。惜春時節雨肥梅。畫船破浪一亦快。聞道湖光如潑醅。初約隣人至石湖。以下半句自西掖歸吳作。窈窕崎嶇學種園。此生丘壑是前緣。隔籬日出浮天水。當戶山橫匝地烟。春入葑田蘆綻笋。雨傾沙岸竹垂鞭。荒寒未辦招君醉。且吸湖光當酒。

泉。與游子明同過石湖。契闊相逢一笑歡。當年森桂共聯鶯。試談舊
事醒村酒。仍趁新晴煖客鞍。梅粉都皴啼宿雨。柳黃不展噤春寒。從今鼎
鼎多幽事。仍喜蛙聲不在官。
次韻同年楊廷秀使君寄題石湖。儀風
當瑞九韶成。何事栖鷺滯碧城。公還蕭然真吏隱。文名籍甚更詩聲。句從
月脇天心得。筆與冰甌雪腕清。書到石湖春亦到。半堤梅影殺紋生。半
世輕隨出岫雲。如今歸作卧龍人。小山有賦招游子。大塊無私佚老身。禪
版夢中千嶂曉。鬢絲風裏萬花春。新年杜鵑黃滿。勝醉田頭紫領巾。
次韻蜀客西歸者來過石湖并寄成都舊寮。走遍埃塵倦鳥還。故鄉元
在水雲間。黃梁飯裏夢魂醒。青蘗筵前身世閒。鷗鷺飛來俱玉立。松蘿歲
晚各蒼顏。岷峨交舊如相問。鐵鎖無爲任客攀。
壬辰七月十六日侵晨
真率會石湖路中書事。白葛烏紗稱老農。溪南溪北水車風。稻頭的皪
粘朝露。步入明珠翠網中。
頃乾道辛卯歲三月望夜與周子充內翰。汎
舟石湖松江之間。夜父歸宿農園。距今淳熙己亥九年矣。余先得歸田。復
以是夕泛湖。有懷昔遊。賦詩紀事。石湖花月浮春空。憶昔仙人共短蓬。
三更半醉吹笛去。催入濕銀天鏡中。鶴鳴喚歸斗未沒。却步扶疎花底月。
不知行到碧桃邊。但見天風吹積雪。月圓月缺今幾回。依舊滿湖金碧堆。

仙人還上玉堂宿。合有片時清夢來。一笑流光飛電抹。嫦娥相對兩愁絕。
桂枝應亦老無花。蟾兔不須疑鶴髮。周益公大全集次范至能憶同遊石
湖韻。乙亥五月桃源非真亦非空。幾年誤轉漁郎蓬。豈知石湖天尺五不
隔三萬弱水中。主公心伴白鷗沒。莫莫朝朝醉花月。邇來一念了世緣。蟬
冕照人頭未雪。如今又作衣錦回。汀洲依舊玉成堆。聞道丹青憶賢佐。白
麻蚤晚從天來。斷章批處階重抹。敢向坐中論禮絕。午橋他日儻重陪。庶
見方瞳并綠髮。楊誠齋南海集聖筆石湖大字歌有序。淳熙聖人錫宴
臨遣端明殿學士叅政臣范成大居守金陵。觴次肆筆作石湖二大字。賜
之。以寵其行。臣成大刻石以碑本分。賜小臣楊萬里。敢拜手稽首敬賦長
句。石湖仙人補天手。整頓乾坤屈伸肘。爾來化作懶卧龍。歎弄珠璣漱
瓊玖。五雲萬里天九重。玉皇深拱蓬萊宮。豈無九虎守閭闔。北門半扉當
朔風。夜令雲師救風伯。鞭起卧龍湖底月。湖水卷上天中央。却煩北門護
風雪。仙人馭風乘綠雲。玉宸殿上朝帝真。帝將北斗酌天酒。冰桃碧藕脯
麒麟。傳呼玉螭吸銀浦。點霜調冰洗月兔。灑成羲畫河洛書。白壁一雙浮
雨露。石湖二字天上歸。奎星壁宿落山扉。昭回下飾吳花草。姑蘇臺前近
太微。詩人不直一杯水。自是渠儂命如紙。教人妬殺石湖仙。手攬星辰懷

袖底陳郁詩偕潘寒巖陳定軒遊石湖次定軒韻 貂裘絨帽護寒生
馬端如坐席安自別石湖三月去又携玉友一番看霜催菊凋風淒雨
浹蘆汀水渺漫欲寄吟懷須勝地千金同此買漁竿周南山房集石湖作
者看胃臆冷然接大荒雲漢收浩蕩海觀度滄涼故國餘丘壑春舩落艷
陽百年看俯仰越燕又空梁 遊石湖 曉日曛曛水霧開自吹清管過
湖來闔閭城下青青草又染裙腰上舞臺張鑑詩遊石湖 幾年飛夢越
來城試叩柴荆恰快晴松菊正酬閑客意烟波真似主人清黑頭掇要方
行志綠野當年浪得名我亦鄰鄉植桑柘訪公非爲憶萼羹葉景文順適
堂吟葉石湖 千古湖山人物百年翰墨文章寂寞梅花開處一尊自酌
寒香江湖續集柯山毛珣元白石湖 一片湖光接薜蘿功名餘事屬吟
多。至今魚鳥皆堪敬。曾見烏巾照碧波程公許滄洲塵玉編范石湖東歸
過鄉園名之芙蓉城。余以季夏來遊通荷花稱意紅之時鴈湖環湖尤甚
盛。李子先家小池。界金數朶花品之最高者各紀以詩 振快芙蓉城裏
游。香風十里勸人留。瓦盆最恨廉泉陋跡與誇張定自羞左綿城中不容
鑒池廉泉堂下僕列瓦甃數十以栽蓮耳芙蓉城下六月秋最好鴈湖湖
上游。周遭一機雲錦爛。併與老仙供唱酬 環湖曲曲露香清醉袖褰風

取急行。毓愛李園方沼碧，界金幾朶艷羞頰。眉山程公許李與輔遊石湖，
雨過春塘水慢流。喚船聊作石湖遊，水亭風檻一作巖居川觀今餘幾。
越壘吳臺相對愁，笑拂壁題如覲面。憶從鄉老話遊頭，不知化鶴曾歸否。
更撚梅花一餉留。元陸子方集石湖留題三絕。仙子駭驚不可呼，故園
花石久應無。不知綠野何人買，試問平泉有子無。高棅詩壇據越城，醉
呼揚陸主文盟。至今月下蒼苔石，時有先生杖屨聲。當年彬父遣詞臣，
列戟旁觀色怒嗔。殺水曾無歸壁日，稽山已有摸金人。王沂詩石湖我
愛湖上居，家家種楊柳。解識愁人心，門懸掃愁帚。國朝僧九臯東臯錄過
石湖懷心覺元。湖波搖曳木蘭舟，山翠沾衣濕不收。浩蕩群漚回白日，
虛空一塔傲清秋。早春曾過松間寺，此日空瞻鶴外樓。寂愛參寥好詩句，
風蒲藕葉滿汀洲。僧來復詩游石湖蘭若詩五首。荷花蕩西湖水深上，
有蘭若當高岑客吟時。見鴛鴦下僧定，不聞鍾磬音。兩香秋林橘子熟，雲
落空碕棠梨陰。閒來掃石坐竹裏，靜與山人論素心。五龍之峯雲作屏，
雙崖削出夫容青。何人澗底拾瑤草，有客松間采茯苓。林風不驚虎卧石，
山雨忽來龍聽經。吳王臺榭今寂寞，秋香薜荔花冥冥。瀚公結樓湖上
居，泉香遶屋多未渠。波神夜聽白傘咒，洞客時獻青囊書。豈無松花壓春